

VISCHNAUNCAS/
GEMEINDEN



BREIL/BRIGELS

www.breil.ch

Rimnada rumien bloccont, fier e cartun

Sonda ils 25-10-2025 naven dallas 09.30 entochen las 11.30 uras vegn rimnau rumien bloccont, fier e cartun els vischinadis d'Andiast e Vuorz. Las muldas ein depoinidas sin il parcadi dallas pendicularas a Curtginet. Rumien da casa sco era ferramenta electronica sa buca vegnir dismessa! La rimnada succeda encunter indemnisaziun (frs. 10.00/m³)

pneus senza gavegl frs. 5.00/toc

pneus cun gavegl frs. 10.00/toc

Nus supplichein da prender enconuschientscha.

Suprastonza communal Breil

Construcziun conduct ciurcular
Danis - Mutteins

Las lavurs cuozzan pli ditg che previu ed aschia resta la via da Acla su serrada naven dils 22 d'october entochen ils 21 da november 2025.

Nus supplichein da prender enconuschientscha

Suprastonza communal Breil

Chor mischedau Andiast

Invit alla radunonza generala, sonda, ils 25 d'october 2025 allas 19.30 el local da cant Andiast.

Tractandas

1. Beinvegni
2. Elecziun d'in dumbravuschs
3. Protocol dalla radunonza generala dils 25-10-2024
4. Quen annual 2024/2025
5. Rapport dils revisurs ed approbaziun dil quen
6. Rapport dalla presidenta
7. Rapport dalla dirigenta
8. Rapport dil cau dils veterans
9. Mutaziuns (entradas / extradas)
10. Elecziuns
 - president (a)
 - actuar (a)
 - cassier (a)
11. Program per igl onn da cant 2025/2026
12. Varia

Nus envidein cordialmein era novs/as cantadurs/as a nossa radunonza generala, ni era ad in'emprova da cant. Suenten radunonza ein tuts envidai tier ina tscheina en stanza sper la cuschina.

A stedia participaziun envida

La suprastonza

Chor viril Breil

Sera da cant, cumpignia e divertiment per in e scadin ella vischnaunca da Breil

A caschun da nies giubileum da 125 onns Chor viril Breil e sco continuaziun dalla tgira dil contact cantic vulain nus envidar ils chors sco era in e scadin che ha tschaffien ad ina sera da cant da cumpignia. Suenten in'ura da cant organischeschan las uniuns da giuventetgna ina bar.

Venderdis, ils 24-10-25 dallas 20.30-21.30 en sala dalla Casa da scola da Vuorz

Venderdis, ils 31-10-25 dallas 20.30-21.30 ell'aula dalla Casa da scola da Breil

Nus dil chor viril Breil e las uniuns da giuventetgna selegrein che vus essas era dalla partida.

Uniun da cant Vuorz

Radunonza generala, venderdis, ils 17 d'october 2025 allas 19.30 en sala da scola Vuorz.

Tractandas:

1. Appell
2. Protocol
3. Rapport
 - annual dil president
 - annual dalla dirigenta
4. Rendaquen e rapport dils revisurs
5. Program da lavur
6. Fixar las taxas annualas
7. Elecziuns
8. Varia

Suenten la radunonza ein tuts envidai ad in pign puschneg. Mintgina e mintgin che ha plascher da cantar en cumpignia ei cordialmein envida. Vegni nunschenadamein e fuffergnei! Nus selegrein sin vus.

La suprastonza

Uniun da dunnas Vuorz

Invit alla radunonza generala, ils 20 d'october 2025, allas 20.15, en scoletta.

Tractandas:

1. Beinvegni, elecziun d'ina dumbravuschs
2. Appel
3. Prelecziun ed approbaziun dil protocol
4. Mutaziuns
5. Rapport dalla presidenta
6. Prelecziun dil quen
7. Rapport dallas revisuras ed approbaziun dil quen
8. Taxa annuala
9. Elecziuns:
 - Presidenta
 - Actuara
 - Cassiera
 - 2 Revisuras da quen
10. Rapport dalla responsabla dil Pistrin
11. Program da lavur
12. Varia

Perstgisas ein da far alla suprastonza. Novas commemorbras ein beinvegnidas! A stedia participaziun envida la suprastonza, Bettina, Ursina ed Evelin



DISENTIS/MUSTÉR

www.disentis.ch

Damonda da baghegiar

2025-1079.000

Datum dalla publicaziun: 17 d'october 2025

Patrun: Pauli Levy
Via Sogn Valentin 24
7183 Mumpé Medel
Representant: ADDISSA AG
Poststrasse 3, 7130 Ilanz
Intenziun: Midada d'intent da diever agricol tier negin diever agricol
Edifeci nr.: 493B
Parcella: 2448
Adressa: Via Stagias 21, 7183 Mumpé Medel
Zona: Zona agricola (A)
Zona da prighel: Negina zona da prighel

Protestas:

Il plan da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér

Lubientschas da baghegiar

L'istanza da baghegiar ha concediu las suandontas lubientschas da baghegiar:

2025-1013.000

Vischnaunca Disentis/Mustér, Via Cons 2, 7180 Disentis/Mustér; nova piazza da grillar a Ragisch, parcella 4001, Via Ragisch 2, 7183 Mumpé Medel

2025-1056.000

Fundaziun PUNTREIS, Via Cons 11, 7180 Disentis/Mustér; suoschna per velos electronics e niev baun entuorn plonta existenta, parcella 962, Via Cons 11, 7180 Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau ils suandonts projects:

2025-2073.000

Bernhard Petschen, Salvatorenstrasse 44, 7000 Chur; montascha da duas cellas solaras sil tetg dalla tegia, parcella 3643, Via Runca 18, 7182 Cavardiras

2025-2077.000 (eBau 2025-1751)

Ursina e Flavio Murer-Fatzer, Via Caschuarz 8, 7180 Disentis/Mustér; construcziun d'in niev indrez fotovoltaic sin il tetg (sid/ost), parcella 1048, Via Caschuarz 8, 7180 Disentis/Mustér

2025-2078.000

Ignaz Duff, Via Clavianev 29, 7180 Disentis/Mustér; tagliar in niev esch en la preit dil nuegl e montar ina petga cun ina bandiera, parcella 233, Via Alpsu 111, 7186 Segnas



A T E L I E R

Schmidt

Atelier SCHMIDT GmbH
Biro d'architectura · 7166 Trun

2025-2079.000

Annalisa Giger, Via Alpsu 1, 7180 Disentis/Mustér; rem-plazzar ligiadura nua sochel dil baghetg cun plattas da crap, parcella 727, Via Alpsu 5, 7180 Disentis/Mustér

2025-2080.000 (eBau 2025-1800)

Alfons e Georgina Quinter-Degonda, Via Run 7, 7180 Disentis/Mustér; indrez da fotovoltaic sin il tetg dalla garascha, parcella 988, Via Run 7, 7180 Disentis/Mustér

2025-2081.000 (eBau 2025-1802)

Corporaziun d'aua Spina da Vin, Caum postal 132, 7180 Disentis/Mustér; montascha d'ina antenna per l'alarmaziun autarca dils pumpiers, parcella 2412, Via Stagias 27, 7183 Mumpé Medel

Cussegli da vischnaunca

Il cussegl da vischnaunca seraduna **gievgia, ils 23 d'october 2025**, allas 20.00 ella stanza da sedutas Cumiera el Center Fontauna.

Tractandas:

1. Protocols 6 e 7-2025/2028
2. Acquist da schischom
 - Proprietad dalla famiglia Couchepin-Hess (messadi 11-2025/2028)
3. Ura da damondas (conform ad art. 44 dil regulativ da fatschentas)

Il president dil cussegl da vischnaunca

Vischnaunca Mustér -
Sera d'informaziun ils 31-10-2025

La vischnaunca Mustér envida ad ina sera d'informaziun: **venderdis, ils 31 d'october 2025, allas 20.00, Sala Peter Kaiser, Claustura Mustér**

Temas:

Strategia e projects da svilup dils proxims 10 onns

Sin la vischnaunca da Mustér spetgan entgens projects da muntada pli gronda ils proxims onns. La sanaziun ed engrondaziun dalla serenera, la sanaziun dalla scola, il luvratori communal ed auters. Il president communal dat in sguard el futur e presenta la strategia dalla vischnaunca per ils proxims 10 onns.

Acquist parcella Couchepin/Hess

Gia dapi biars onns tscherchan las autoritads communalas da Mustér la pusseivladad d'acquistar la parcella amiez il vitg cun sia imposanta casa. La suprastanza communal presenta ina proposta per la cumpra digl entir possess dalla famiglia Couchepin-Hess cun la parcella amiez il vitg, praus ed uaul.

Project «Parc da giugs e moviment cun center d'acrobatica Mustér»

La vischnaunca da Mustér dispona da vastas purschidas per famiglias el liber. Auter vesa ei ora cun purschidas da malaura. Igl investur Marcus Weber presenta in project cun in parc da giugs ed in center d'acrobatica indoor sigl areal dil Center Fontauna.

Referents:

- Suprastanza communal
 - Marcus Weber, president Pendicularas Mustér
- Suenter las informaziuns e la discussiun vegn offeriu in aperiitiv. *Suprastanza communal*

Scaldaments mobils el liber – Bulius da scaldar, radiateurs, radiateurs d'infratgietschen etc.

Sebasond sin art. 11, al. 2 dalla lescha cantunala d'energia en cumbinaziun cun art. 33 dall'ordinaziun cantu-

nala d'energia ha il Departament da construcziun, traffic e selvicultura dil Grischun relaschau suandonta disposiziun:

1. Per mintga apparat da scaldar mobil - gas, electricitad ed ieli - che vegn duvraus el liber per intents commercials e che ha ina prestaziun da scaldar da maximalmein 14 kW sto vegnir cumpensau ina tonna CO₂. Per apparats cun ina prestaziun da sur 14 kW e cun ina prestaziun da scaldar maximala da 28 kW sto vegnir cumpensau duas tonnas CO₂ e per apparats cun ina prestaziun da scaldar maximala da sur 28 kW sto vegnir cumpensau treis tonnas CO₂ e.a.v. Silmeins 20% dall'immissiun CO₂ sto vegnir cumpensada en Svizra. Per scaldaments en tenda valan las medemas pretensiuns sco pils scaldaments el liber.
 2. Per mintga tonna che sto vegnir cumpensada sto vegnir taccau ina vignetta vid igl apparat da scaldar.
 3. Ina vignetta vala mintgamai in onn naven digl
 - 1. da settember entochen ils 31 d'uost.L'obligaziun da cumprar ina vignetta exista naven dall'emprema gada ch'igl apparat da scaldar mobil vegn mess en funcziun durant la perioda da scaldar respectiva.
 4. La cumpensaziun dall'immissiun da CO₂ succeda entras il possessur ni entras la vischnaunca.
 5. Sch'ils possessurs cumpenseschan sezs l'immissiun da CO₂, vegn la vignetta concedida gratuitamein entras la vischnaunca.
 6. La cumpensaziun sto vegnir cumprovada cun in certificat d'ina interpresa specialisada sil sector dalla cumpensaziun da CO₂
 7. (p.ex. myclimate). Per apparats da scaldar electric sa l'obligaziun da cumpensar l'immissiun da CO₂ era vegnir ademplida, sch'ei vegn applicau – per mintga tonna CO₂
 8. che sto vegnir cumpensada – cumprovadamein 4'500 kWh d'electricitad ch'ei vegnida producida cun energias regenerablas.
 9. Sch'ils possessurs cumpenseschan buca sezs l'immissiun da CO₂, ston els cumprar tier la vischnaunca ina vignetta per mintga tonna CO₂ che sto vegnir cumpensada.
 10. Il prezi per vignetta importa **frs. 60.–**.
 11. Las vischnauncas impundan igl entir recav dalla vendita da vignettas per cumpensar l'immissiun da CO₂.
 12. Igl uffeci d'energia e traffic metta a disposiziun in agid d'execuziun per las vischnauncas.
 13. Per decretar sancziuns en cass da cuntravenziuns, en special incassar multas, ein las vischnauncas responsablas (art. 36 s. LEG).
- Las vignettas san vegnir retratgas tier l'administraziun communal. *Administraziun communal*

Via Cuoz, impediments da traffic -
Conducts da scaldament ed electricis

Naven dils 20 d'october 2025 ei previu da realisar las lavurs vid il scaldament lontan sco era vid conducts electricis ella Via Cuoz. Per las lavurs ei previu in temps da ca. treis jamnas. Per part eis ei pusseivel da carrar era durant il temps che las lavurs vegnan realisadas. Denton vegn ei ad esser necessari da serrar entgens dis la via. Davart quellas lavurs vegnan ils proprietaris da schischom informai individual cun in fegl sgulont. Las lavurs succedan entras l'interpresa Strabag AG e las lavurs da survigilanza entras il biro d'inschignier ipz inschigniers+planisaders. En cass da damondas sa il biro ipz da scleariment davart il decuors dallas lavurs.

Bien engraziament per prender enconuschientscha e per la capientscha. *La survigilanza da baghegiar, ipz inschigniers+planisaders*

Biblioteca populara Disentis/Mustér e contuorn

Preavis – Venderdis, ils 31-10-2025 allas 19.30 prelecziun da Gian-Marco Schmid, alias Gimma ord siu cudisch «Abschiede von Mutter».

Uncziun da malsauns ed attempai

Gievgia, ils 23 d'october 2025 allas 14:00 en claustra a Mustér. Il cussegl pastoral dalla Pleiv s. Gions organisescha ed envida all'uncziun da malsauns ed attempai en claustra. Silsuenter ein tuttas/tuts envida ad in sem-pel pushegn. Tuttas e tuts ein beinvegni, prende la caschun! *En num dalla Pleiv s. Gions Mustér e team SENIORA-SA*

SENIORA-CA e PUNTREIS

Meisa da miezdi, gevgia, ils 23 d'october 2025. Entschatta: allas 12:00 ella PUNTREIS. Gentar cun treis tratgas inclusiv aua dalla spina ed 1 caffè. Annunzia entochen allas 9:00 dil di alla PUNTREIS (tel. 081 929 56 56). La meisa da miezdi ei aviarta per mintgin/a. *Post d'informaziun Seniors-Ca*

**FALERA**

www.falera.net

Radunonza communal

Gievgia, ils 23 d' october 2025, 20.15 uras, la fermata

Tractandas:

1. Beinvegni, elecziun da dus dumbravuschs
2. Constataziun dall'approbaziun dil protocol dalla radunonza communal dils 18 da zercladur 2025
3. Damonda da credit (inclusivamein finanziaziun) per separticipar alla Finanz Infra SA
4. Informaziuns e varia

Il messadi per la radunonza communal sa vegnir retratgs sin canzia communal ni vegnir cargaus giu dalla pagina d'internet dalla vischnaunca www.falera.net. *La suprastanza communal*

Gemeindeversammlung

Donnerstag, 23. Oktober 2025, 20.15 Uhr, la fermata

Traktanden:

1. Begrüssung, Wahl von zwei Stimmenzählern
2. Feststellung der Genehmigung vom Protokoll der Gemeindeversammlung vom 18. Juni 2025
3. Kreditgenehmigung (inklusive Finanzierung) für Beteiligung an Finanz Infra AG
4. Informationen und Varia

Die Botschaft für die Gemeindeversammlung kann bei der Gemeindekanzlei bezogen oder auf der Gemeindehomepage www.falera.net heruntergeladen werden. *Der Gemeindevorstand*

Obligaziun da far survetsch da pumpiers 2026

Tenor lescha da pumpiers dalla vischnaunca da Falera ein per regla umens e dunnas cun domicil ella vischnaunca obligai da far pumpiers.